



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 16. Embrodunensis Synodus a quibusdam Franciæ Episcopis impugnata.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

Sæc. XVIII. „illa jumentis cæterisque bestiis aditus
A. C. 1727. „pateat, & in omnibus Crux erigatur.„

His decretis præter Archiepiscopum Embrodunensem alii quatuordecim Præsules unacum Diniensis Episcopi paulo antea defuncti Procuratore subscripti legebantur.

§. XVI.

*Embrodunensis Synodus a quibusdam
Franciæ Episcopis impugnata.*

Dolebant summopere Quesnelliani, quod Embrodunensis Concilii sententia per L. Advocatorum Consultationem adeo non infirmata fuerit, ut potius inde haud levis infamia in ipsos redundarit, hinc in adinveniendis effugiis sæcundissimi ab Episcopali auctoritate subsidium opemque emendicare statuerunt. Nec eorum conatui secundus defuit successus; haud enim ignorabant, quod ex Episcopis nonnulli sese Constitutioni opposuerint, & ab ea appellarint, hos ergo utpote ad sui propositi executionem non modo idoneos, sed & admodum proclives sollicitabant Juncto igitur cum his consilio epistolam ad Franciæ Regem consarcinant, in eaque Embrodunensem Synodum atris omnino coloribus depingunt, ac demum ab Episcopis
suæ

suæ factioni addictis illam proprio chi-
 rographo muniri efflagitant. Eorum Sæc. XVIII.
 votis cessere duodecim, scilicet Noail- A. C. 1727.
 lius, Tilladetus Matisconensis, Cy-
 prian- Gabriel Engolismensis, Joachim
 Colbert Montpessulanus, Caylus An-
 tiffiodorensis, Franciscus Montalbensis,
 Honorius Castro- Albiensis, Franciscus
 Blessensis, Benignus Trecensis, Lo-
 tharingus Bajocensis, & Caillabotus
 Tornacensis Episcopi. Ex his nonnisi
 undecim jam anni prioris die 28. Octo-
 bris sua apposuerunt nomina; falso autem
 Noaillius subscripsisse fertur. Porro
 ceteri hanc Epistolam die decima quinta
 Martii ad Cardinalem Fleurium trans-
 misere, supplices, ut illam Regi con-
 signaret, suoque patrocinio foveret.
 Obstupuit hic vehementer ad rei in-
 dignitatem; haud toleranda enim vi-
 debatur temeritas, qua Quesnelistæ
 contra Synodum, cujus tamen acta
 nondum inspexerant, insurgerent, plu-
 ra facta omnino falsa pro veris audacter
 venditarent, justitiæ demum leges,
 Sacrosque Canones violenter læsos, li-
 bertatem Ecclesiæ, ac Regni principia
 palam violata, & sacrata veritatis jura
 per Synodi sententiam temere procul-
 cata dolose deplorarent. Horum lite-
 ras Fleurius Regi tradidit, hic vero
 die vigesima octava Martii per Comi-
 tem

Sæc. XVIII. A. C. 1727. tem Maurepasium Episcopis significari jussit, Regi, sicut olim ejus Proavo summopere displicere, quod se inscio & invito pauci Episcopi conspirarent, & societatem inirent, nec se satis mirari posse, quod unius Episcopi querelas pluris haberent, quam quindecim Præsulum sententiam, qua hic unanimi voce damnatus fuisset, ac insuper Canonicum cætum, cujus sanctiones non modo Pontificia sed & Regia auctoritate approbatas nosset, impugnare præsumerent, quin tamen hujus Synodi acta habuissent explorata, aut desuper cum Judicibus egissent, & judicii acta examinassent. Hoc Regis responso minime territi Præsules datis ad Maurepasium literis suam agendi rationem vindicare nitebantur, | auctaque audacia die decima quarta Maij denuo ad Regem literas dabant, in quibus non modo contra Synodi sententiam, sed etiam adversus Benedicti XIII. Breve, quo ea confirmata est, indignum in modum declamabant. Huic epistolæ octo Episcopi subscripti legebantur, qui etiam ad Sanitiensis Præsulis exemplum solemni scripto coram Parisiensis Parlamenti Procuratore die septima Martii palam reclamabant adversus omnes literas. Bullas, Brevia, aut alia acta, quibus ad tabulas re-

redactis in Embrodunensi Concilio gesta Sæc. XVIII.
 confirmarentur, ac insuper speciatim A. C. 1727.
 Romanæ Curix literas die 17. Dec. 1727.
 editas denuntiabant, eo quod
 hæ præcipuas Ecclesiæ & Regni leges,
 necnon Gallicanæ Ecclesiæ libertates
 funditus everterent &c.

§. XVII.

*Cleri Gallicani Zelus contra hosce
Episcopos.*

Horum Præfulum ausus Franciæ Rex
 Ecclesiæ ac Regno hand parum
 perniciosos fore veritus, illorum literas
 ceu seditiosas palam detestatus est,
 cunctisque his Episcopis inhibuit, ne
 suis Diæcesibus excedere præsumerent,
 Synodi vero Embrodunensis Patres de
 Regio suo patrocínio adversus omnium
 insultus certiores reddidit: Præterea
 illis, qui tum Parisiis agebant, Epi-
 scopis præcepit, ut deliberatione inter
 se habita Regi suggererent, quid contra
 iniquam Advocatorum Consultationem
 a Regia sua Majestate statuendum cen-
 serent. Hi ergo re maturius pensata
 ad Ludovicum XV. Regem literas da-
 bant, in quibus plurimis argumentis
 luculenter demonstratum ibant, quo
 perversa refractoriorum Præfulum prin-
 cipia tenderent, & quam gravia inde
 li 3 mala